



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Liber De Prudentia Ivstorvm

Juan <de Jesús Maria>

Coloniae Agrippinae, MDCXIV

Præfatio.

[urn:nbn:de:hbz:466:1-46940](https://nbn-resolving.org/urn:nbn:de:hbz:466:1-46940)



# P R A E F A T I O .



VAVIOR profectio est  
 Christiane lector elo-  
 quentia Iesu Christi  
 quam Tullij. Eloquia  
 Domini, eloquia casta  
 (quae sunt velut argentum igne exami-  
 natum, purum à terra, purgatum septu-  
 plum) amabiliora sunt, quam profana  
 verba quantum vis picta, vt cum ostenta-  
 tione vendantur. Sermo Dei viuus, &  
 efficax, & penetrabilior omni gladio in-  
 cipiti, ac pertingens vsque ad intima  
 compagum, & medullarum, pretiosior  
 est, quam oratio amatorum mundi, com-  
 posita ad animos sine fructu, vel cum  
 fraude delectandos. Bona conscientiae ar-  
 gumentum est, non solum sensu Christi,  
 sed etiam simplicitate verborum Christi  
 delectari. Misit ille eloquiū suum terra, vt  
 velociter curreret sermo eius: & lex illius  
 immaculata conuertens animas, non ex

A 4 sermo-

sermone, sed ex virtute aestimaretur. Ego igitur, vnus è plebe eius, non solus, sed cooperante Dei gratia mecum, librum hunc (De prudentia Iustorum) magna ex parte ex ipsis dulcissimis sacrae scripturae verbis, ad finem quem Spiritus sanctus intendit, hoc est, ad instruenda corda, cõposui. Speraui enim, Iesu Christi verba etiam per ministrum indignissimum prolata, & scripta, peccatoribus, quorum salutem quero, & iustis, quorum consummationem opto, profutura. Inscribitur autem liber (De prudentia Iustorum) quia cum prudentia sit, media ad finem appositae praescribere, hoc agitur, in toto libro hoc, vt ad aeternae salutis finem media opportuna proponantur. Inducitur autem Iesus Christus loquens, quia vel ipsa eius verba sunt, vel certè ipsius inspirationis pijs cordibus immissa. Lector autem, qui hac lectione proficere ad aeternitatem cupit, tria obseruet: Primum, vt tempus locumquè à strepitu remotum ad legendum eligat: secundum, vt lentè legat: tertium

PRAEFATIO

9

*tertium, vt, dum se commoueri senserit,  
lectionem intermittat, donec ille commo-  
tionis calor deferueat. Studeant alij va-  
rijs mundi artibus, & disciplinis: ego pru-  
dentia Iustorum studebo: Mihi enim ad-  
herere Deo bonum est, & ponere  
in Domino fidelissimo spem  
meam.*

A

5

PRI.